



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

2. Patres Constantienses circa auctoritatem Concilij in quinque sententias divisi, quarum ultima & pejor, ac votis infrequentior Johannis Gersonis.

urn:nbn:de:hbz:466:1-38277

nihil de unione actum. Decimā nonā Novembris ad valvas Aedium Augustinianorum insignia Gregorij Pontificis pependere, quæ sequenti nocte, jussu ut creditur, Joannis sublata sunt: ingēns super ea re inter Patres natum certamen, (a) cūm alij auferri insignia, alij sustineri vellent; omnium tandem sententia fuit, si Gregorius coram adeset, Insignibus Pontificijs uti posse. Non ergo Patribus constabat, Gregorium Pontificem non esse; cur enim insignia Pontificia illi permitterent, quem pro Antipapa haberent? Die vigefimā quartā Decembris Sigismundus Imperator Constantiam ingreditur, & Pontifice sacris operante, Evangelium cantat Diaconi amictu. Secuta Imperatorem ingens Principum ac Antistitum turba, adeò ut unā die triginta equorum milia numerata sint: solum Archiepiscopum Moguntinum Thore ex rubro holoserico insignem, ferrōque ad latus pendente sexcenti equites comitati, ut videoas, quæ illorum temporum conditio fuerit. Patriarchæ 4. Cardinales 29. Archiepiscopi 47. Episcopi 160. qui postea ad 300. crevēre.

II. Anno MCCCCXV. Mensē Januario Joanni Dominico Gregorij Legato à Patribus permisum, (b) ut pileo, vestitūque Cardinalitio ingredi Constantiam posset, obluctante quamvis Johanne Pontifice. Mensē Februario, cūm Cardinalis S. Marci libellum sparsisset, quo multa contra Johannis auctoritatem dicebantur; alij continuo in ejusdem defensionem produxerunt, & inter alia hæresis postulabatur, qui indubitatum Pontificem, & nullā hæresi contaminatum cogi posse ad cedendum dixisset. Sed Cardinalis Cameracensis pugnam dirempturus conclusiones aliquot Patribus obtulit, in quarum prima continebatur: (c) *Duas Obedientias Johanni contrarias probabilit̄ sustinere electionem Alexandri, ejusque successorum non esse legitimè ac canonice factam, & in hac opinionum diversitate non esse minores difficultates Juris & facti, quam ante Concilium Pisanum erat de iustitia duorum contendentium;* & idē attenā perplexitate casus præsentis pro pace Ecclesiæ acceleranda posse de Papatu contendentes ad cessionem compelli, & nolentes de-

poni.

(a) Ita habent duo MM. SS. Regestri Constant. V. Schelstratte in Tract. de Decret. Conc. Const. fol. 30. & fol. 153. (b) Ita habet Regestum Constant. in duobus MM. SS. & Codices Bibliothecæ S. Victoris Parif. (c) Cardinalis Cameracensis Concl. 3. & 6. ex. 4. MM. SS. Codic. apud Labbeum in Append. Conc. Constant. Tomo XI. edit. Parif. Schelstratte fol. 152.

poni. Vides hic iterum agi tantum de Pontifice dubio, & ex hoc ipso dubio procedere Patres; qui consilio Alliacensis obsecuti sunt ad Joannem deponendum; & ipse Cardinalis omnium, quae Pisis ac Constantiae agebantur, conscientia fatetur Pontificatum Joannis dubium esse: malè ergo, quæ Constantiae decreta & peracta sunt de Pontifice dubio, extenduntur ad casum Pontificis certi. Hoc etiam anno Gregorius XII. Legatis suis concedit, ut acta Concilij confirment, ejusque auctoritatem Oecumenicæ Synodi tribuant, eâ tamen conditione, ut Joannes Concilio non præsit, neque id à Johanne convocatum dicatur: nec Joannes postea Concilio præfuit, immo nec arcans eorum congregatis adesse permisus est, ne videlicet consilia pacis turbaret solitis artibus; quomodo ergo pro vero, certoque Pontifice habebant, quem nec Præsidem, immo nec collegam ferebant? Vide sessionem 14.

Die 2. Martij Joanes promittit, se Papatu cessurum, modò Gregorius & Benedictus idem præstent. *Diebus 13. 15. & 19. Martij* laboratum est, ut Johannes Procuratorem deligeret, qui ejusdem nomine, quando & ubi Concilio videretur, Pontificatum abdicaret. Videbat Johannes se hoc telo peri, cogique ante alios duos tiaram depovere; id ne fieret, multis artibus certatum, sed cum declinare ictum haud posset, Schafhusam profundam nocte elapsus est, inde Friburgum & Brisacum; secuti à Concilio Legati, qui redditum persuaderent.

Die Martij 23. peroravit Johannes Gerson, & multa contra Pontificis auctoritatem differuit; hinc nata quæstio de superioritate Concilij supra Pontificem: & Johannes Galliæ Oratoribus amarè conquestus est Gersonis audaciam, Vaticanum oppugnantis: que causa fuit, ut ijdem Galli cum Cardinalibus collatis capitibus se decretis opposuerint contra Sedis Apostolicas auctoritatem edendis, & ipse Rex, ut videbimus, ægerrimo animo tulerit, Joannem à Concilio depositum esse, quod etiam Maimburgus (a) aliquæ fatentur. *Die Martij 26.* celebrata est ante meridiem tertia sessio: huic duo tantum Cardinales adfuere Cameracensis videlicet, & Florentinus; statutum fuit in ea sessione: *Concilium*

(a) Maimb. du Grand. Schism. lib. 5, à fol. 282. Monach. Dionys. lib. 35. cap. 18. M. Labourc' ibid.

Constantiense per recessum Johannis dissolutum non esse, sed nec dissolvi debere, ante Schismatis extirpationem, nec ad alium locum transferri posse sine consensu Concilij. Hæc omnia non aliâ ratione Alliacensis & Zabarella Cardinales publicari permiserunt, quâm ut illa Joannes Papa rata haberet, confirmaretque. Vide est hanc Cardinalium protestationem apud Philippum Labbeum in appendice Synodi Constantiensis Tomo XI. Conciliorum, & Manuscripto Capraniensi, ex quo Labbeus descriptit.

Die 29. Martij Joannes Schaffhusâ profugit, quippe vicinam Constantiam metuens. Turbati Patres, offensique, & à pluribus Germanicæ, Anglicæ, Gallicæ nationum deliberatum, fixumque est, ut in cunctum sessionem quartam perageretur, in eaque hæc capita decernerentur, videlicet: Primo quod Concilium Constantiense potestatem habeat immediatè à Deo, cui etiam Papa obediens teneatur, in his quæ pertinent ad fidem, extirpationem Schismatis, & reformationem Ecclesiæ in capite & in membris. Secundo quod cogi possit, si obediens contumaciter contempserit. Tertio alia complura, quæ omnia cùm non solum nationi Italicae displacebent, sed nec sacro Collegio ad deliberandum oblata essent; noluerunt Cardinales, Gallicique Oratores sessionem adire, nisi secundum Capitulum, quo dicebatur, Pontificem cogi posse, omitteretur: & in primo decreto illa verba, de reformatione Ecclesiæ in capite & in membris, delerentur; quod etiam communi voto à Patribus sequenti die acceptum est, cùm videlicet Episcopali vestitu insignes jam quartæ sessioni accingerentur; idque annitente præsertim Imperatore Sigismundo. Cùm vero Cardinalis Florentinus, cuius officium erat Decreta in publicis sessionibus legere, ad verba de reformatione Ecclesiæ in Capite & membris pervenisset, nec ea, ut condicatum fuerat, deleta à Nationibus observâsse, continuò Decretum abrupit; eamque partem falsam esse, additamque preter communem deliberationem, professus; ergo clausula de reformatione cùm sessione quartâ omissa est; sed & Cardinales monuerunt Nationes, ut suspenderent ad tempus materias illas, quæ magnas habent difficultates, & maturam exigunt deliberationem; ea videlicet, quæ auctoritatem Pontificiam spectabant. Ita notant Abbas Panormitanus in sententia finali, & Regestum Concilii Constantiensis in tribus Manuscriptis Codicibus, quorum verba

N

recitata

recitata reperies apud doctissimum (a) Schelstrate. Et verò ea verba, quæ dicunt: *Papam in ijs, qua ad reformandam Ecclesiam in Capite & membris pertinent, Concilio subjectum esse*, in sessione 4. omissa fuisse, illud certissimo argumento est; quod in omnibus ferè Codicibus manuscriptis, qui in Romana, Viennensi, Parisiensi & Salernitana Bibliothecis reperiuntur, ea verba absint, imò ne quidem in tribus Codicibus Manuscriptis, qui acta (b) Concilij Constantiensis complectuntur, & ex quibus Basileenses sua decreta compilārunt; sed neque in celebri illo Manuscripto Capranicensi, qui ad usum Cardinalis de Capranica, Basileensis Concilij temporibus scriptus videtur, & ex quo Philippus Labbeus Constantiensis Concilij ultima editioni multa adjunxit, confirmatque saepè laudatus Schelstrate (c) testimonij Gobelini Personæ, qui tempore Concilij scribat, ipsorumque Basileensium, ac aliorum in Gallia codicum; qui etiam alibi notat in Decreto sessionis quartæ, ubi dicitur: *Papam teneri obedire Concilio in his, que peritatem ad fidem, extirpationem Schismatis; eas voces, ad fidem, primò appositæ esse à Petro Crabbè in sua editione Anni 1538. ex qua in alias postea editiones derivatae sunt; nam in antiquioribus editionibus videlicet Hagenovieni Anno 1500. Mediolanensi Anno 1511. Parisiensi Anno 1524. Colonensi Anno 1530.* illæ voices desiderantur; id verò Tabellionum negligentiæ, qui eas voices omiserint, Maimburgus tribuit. Sed unctione res habeat, excusari vix potest Maimburgus, (d) quando in suo Tractatu historico, magnis, ut solet, verborum ampullis, triumphos Lectori de Schelitrato pollicitus, ex diversis Gersonis (e) operibus, ac etiam Orationibus in Concilio dictis, probare conatur, ea verba, quæ reformationem spectant, Decreto sessionis quartæ adjuncta fuisse, adeoque victoriæ securus est, sibique blanditur, ut Schelstrate ad ponenda arma, pacemque ac veniam erroris pendentam invitet; nescias victori, an insultanti similius: additq; plures alios manuscriptos Codices, quos omnes convenire cum Gerlono dicit. Sed Maimburgum egregie confutavit convictere eruditissimus

(a) Schelstrate in actis Conc. Constant. fol. 2. & 3. & seqq. & in Tract. de sensu. & auctor. Decretor &c. f. 41. & fol. 84. (b) Schelstr. in Tract. de sensu &c. fol. 24. & 26. (c) Schelstr. in Tract. de sensu & auctor. fol. 42. (d) Maimb. Tract. histor. à fol. 238. (e) Gerson serm. pro viaggio Reg. Roman. & Tract. de potest, Eccles. & lerm. in Dom. 2. post Epiphaniam.

mus Schelstrate, ubi evidenter allatisque verbis ostendit Gersonem & consequenter Codices ei conformes loqui de Decretis die 6. Aprilis hoc est, sessione quintā editis, non verò de Decretis sessionis quartæ, quae trigesimā Martij celebrata est. Utrámque ergo sessionem Maimburgus confudit, suumque errorem alienum creditit. Dices unde ergo provenit, ut omnes Concilij Constantiensis editiones in Decfeto sessionis quartæ hæc verba constanter exhibeant: *Et ad Reformationem Generalem Ecclesie DEI in Capite & in membris?* Respondeo errorem ex eo fluxisse, quod cùm Basileenses viderent auctoritatem suam & Concilium paulatim contemptui ac ludibrio esse, ut fulcirent cadentem auctoritatem, cogitasse de edendis Concilij Constantiensis actis, quorum subsidio Vaticanum impugnarent. Duo bus ergo Cardinalibus, totidēmque Episcopis, ac Theologiae Doctoribus, & Archidiacono Zagabriensi Provinciam imponunt, Detracta Constantiensia exhibendi. Id Anno 1441. ab eis peractum: ex hoc codice Joannes Hober ex Inderdorff sacrae Theologiae Baccalaureus, Anno 1490. alium suā manu exaravit, transmisitque Hieronymo de Croaria juris utriusque Doctori, & hic postea anno 1499. Hagenovij in oppido Imperiali typis vulgatus est. Post hanc aliæ tres editiones prodierunt, quibus acta Constantiensis Concilij juxta Basileensem Collectionem continebantur. Error ergo præsentium editionum circa sessionem quartam à Basileensibus manavit, nec ipse Maimburgus negare potest, Basileensem Collectionem, & editiones ex illa profectas defecutu laborare; tam enim editio Hagenoviensis, quam tres aliæ postea secutæ illam particulam, ad fidem omisere, quam Maimburgus necessariam agnoscit. Et hæc quidem circa sessionem quartam ex laudatissimo Schelstrate notanda duxi, jam ad quintam veniamus.

Post quartam cœpta est præparari materia pro sessione quinta; Decretum videlicet, quo dicebatur: *Pontificem Concilio in rebus fidei, morumque Reformatione Concilio subjectum esse, & ab isto cogi posse.* Et quamvis summi momenti res hæc esset, & aliquando novo & pejori Schismati fomitem datura; sicque longissimo & accurato examine prius cognoscenda, quam decerneretur: nihil tamen aliud à Patribus factum, quam ut aliquos deputarent, qui cum Cardinale Zabarella Florentino conferrent; is erat, qui illis articulis in sessio-

ne quarta graviter obstiterat. At Deputati perinde ac in re leví, parvique priij rem paucis absolverunt, (a) ac inter alia multa die 2. Aprilis statuere: *Ut proximā sessione omnes articuli & clausula concordata per Nationes in ultima sessione praetermisse expedirentur.* Ita habet Regestum Concilij: & notans ejusdem Concilij gesta, quām leve ac perfunditorum examen fuerit, quo tanti ponderis argumentum expendebar his verbis: (b) *Post sessionem quartam fuit per Cardinalem Florentinum cum Deputatis aliqualiter disputatum: finaliter Concilium voluit ex integro dictas definitiones in alia sessione pronuntiari, &c.* Vides inter paukos, privatōque ac extra sessionem, nec initis suffragijs, hoc est, non Conciliariter, nec tam decernentium, quām altercantium more, eo ferè modo, quo in circulis Philosophorum solet, inter Cardinalem & Deputatos disputatum esse, idque ut acta commemorant, aliqualiter, hoc est, leviter, cursimque, nec quantum oportebat. (c) Cūmergo sentirent Cardinales in sessione quinta ea à Nationibus decretum iri, qua nec examinata erant, nec approbare ipsi poterant, statuerunt sessione abstinere: sed postea cūm viderent, id sine publica offensa, periculōque ne Concilium solveretur, fieri non posse; adire quidem sessionem parant: protestati tamen in aedibus Palatij Constantiensis, ubi infulas sumebant, se vitandi scandali causā, non verò animo illis consentiendi, quā audiebant proximā sessione decretum iri, Conventui adfuturos; idēque Gallici Oratores, qui Cardinalibus sē adjunxerant, professi sunt. Audi Regestum Concilij: (c) *Die Sabbathi sextā mensis Aprilis, cūm per prius inter Nationes & Dominos Cardinales altercatum esset super correctionē & emendationē Capitularum in praecedenti sessione (quarta) statutorum: tandem ordinatum & conclusum est, quod supradicta Capitula modo infra scripto corrigentur. Convenientibus ergo dictā die Gloriosissimo Principe Sigismundo Romanorum & Hungaria Rege semper Augusto, Reverendissimis Dominis Cardinalibus ceterisque Principibus & alijs in sacro Concilio existentibus, præmisā per Dominos Cardinales & Oratores Regis Francia protestatione factā, quod propter scandalum evitandum ad sessionemibant, non animo consentiendi ijs, que audierunt statui debere, &c.*

Cūm ergo quinta sessio ageretur, & Decreta legi publicè à Cardinali

(a) Regest. Concil. Constant. in tribus MM. SS. apud Schelstr. fol. 42. Tract. de sensu & auctor. &c. (b) Gest. Concil. ex 4. MM. SS. (c) Regestum Concilij in tribus MM. SS. Codd. apud Schelstr. Tract. de sensu & auctor. &c. fol. 42.

dinali Florentino de more oporteret, recusavit id munus, quippe qui unà cum sacro Collegio ijs decretis nunquam mature, & conciliariter discussis obliuictatus semper esset; electus igitur Poznanensis vices Florentini obiit, legitque à Nationibus statuta. Et hæc est illa sessio quinta, cujus Decretis tantopere Maimburgus præfidit; cæterum quām vanis & caducis fundamentis, nemo ex tot alijs, qui hoc ipsum conati sunt, elegantiū, fortiusque doctissimo Schelstrato demonstravit. Sciendum igitur est, Decreta Sessionis quintæ, nec Conciliariter, nec cum examine tantæ rei debito, maturavę deliberatione, qualem res tanta exigebat, vulgata esse, hoc ita se habere evidentissimis testimonij & argumentis ostendam. *Primo.* In antiquis Concilijs, quoties fidei aliquis articulus, aut alias majoris momenti agitabatur; toties scripturarum testimonia, Antiquitatis monumenta, Conciliorum, Patrumque Decreta producebantur, quibus veritas fulciretur, sic in Niceno primo & secundo, Chalcedonensi, alijsque Concilijs factum, ubi longam seriem argumentorum reperies. Imò ipsum Concilium Constantiense in alijs articulis decidendis monere solet legitimū longumque examen ac discussionem præcessisse. Exempla sunt Sessione 15. ubi cùm errores Johannis Huss damnandi essent: *Habita, inquiunt, per prius plenarię informatione & diligentí deliberatione Reverendissimorum in Christo Patrum S. R. Ecclesie Cardinalium, Patriarcharum, Episcoporum, & ceterorum Prælatorum & Doctorum sacra pagina, & juris utriusque in multitudine copiosa &c.* Habita collatione per plures Magistros in sacra paigna &c. Et sess. 24. in citatione contra Benedictum XIII. Mandavimus per nonnullos venerabiles viros fratres, & dilectos Ecclesie filios Cardinales S. R. Ecclesie & alios Prelatos, & alios tam sacra pagina, quām juris utriusque Professores Commissarios nostros ad hoc specialiter deputatos inquire, informationēque recipi, quam legitimè receptam referri jussimus in publica sessione nostra sacrofancē Constantiensis Synodi; quā plenè auditā & discussā māturo decrevimus atque digesto consilio &c. Et sess. 30. ubi approbatur subtraictio Obedientiæ factæ per Regem Arragonum: *Eadem sacra Synodus causis & motivis planè inspectis, & diligenter examinatis, de quorum veritate facia exitit eidem Synodo plena fides &c.* idè eam S. Synodus exacta scientia & causa debitè cognita &c. Vides Concilium etiam in quæstionibus multò minoris momenti, quām sit illa, de qua modò agimus,

mus, nihil decernere, nisi habitâ plenariâ informatione, & diligentî delibera-
ratione, habitâ collatione per plures Magistros sacrae pagine, & juris utriusque
maturo, atque digesto consilio &c. At verò ubi de potestate Pontificia
agitur, deque supremo jure Majestatis, hoc est, de quæstione om-
nium, si fidem excipias, maxima; non rogatae scripturæ, non au-
diti Patres, non examinata Concilia, non collata in sessionibus
capita, sed ex abrupto, cursimque, & in ipso sessionis limine:
Declaramus, inquit, Concilio immediatam à DEO potestatem esse, cui Pon-
tifex subi, cui obediere tenetur. Quid quæsto est rem inconsulto &
sine examine definire, si hoc non est? & quid minus fieri posset, si
de minimo Sacerdote, imò ædituo in ordinem redigendo ager-
tur? Videantur acta Synodi Ephesinæ, illic apparebit, quantâ
curâ, lentisque gradibus, quantâ testium & scripturarum, Pa-
trumque mole laboratum sit, an Nestorius dejiceretur; nunc verò
non de uno Pontifice, sed de omnibus, imò de ipsa Pontificia di-
gnitate quæstio vertitur, quantò igitur pluribus testibus, majori-
que curâ agi res debuit? & tamen nulla magis, minorique studio
festinata; quæ omnia mihi æstimanti semper magis, magisque
persuasum, fiximque est, non fuisse Concilij mentem quidquam
definire de Pontifice certo, sed tantum dubio & tempore Schis-
matis, hoc enim minoris operæ & indaginis erat. Scendum
enim est, tempore Synodi Constantiensis circa Concilij supremam
auctoritatem varias Doctorum opiniones fuisse. Prima, ne Schis-
matis quidem tempore posse dubios Pontifices à Concilio judicari,
cui sententiae Benedictus XIII. adhærebat teste S. Antonino, (a)
imò & Gregorius XII. quique istorum partes amplexabantur, hoc
est, ingentia Regna, virisque doctrinâ & sanctitate conspicui; cum
enim in Concilio Pisano utrique Pontificia dignitas adempta esset;
& ipsi exautorati Pontifices, & ipsorum sequaces negabant id
jure factum esse, nec ullam Concilio in Vicarios Christi potestatem
fuisse; ergo credebant, ne Schismatis quidem tempore, nec in du-
bios Pontifices quidquam Concilio licere; & videri potest Ray-
naldus ad annum 1409. Altera sententia fuit, nullum Ponti-
ficem ne Schismatis quidem tempore deponi posse, nisi ob folium
haeresis crimen; fuit hujus sententiae Concilium Pisaniū, quod

(a) S. Antonin. T. 3. Chron. Tit. 22. §. 3.

non prius Benedictum & Gregorium damnare voluit, quām ut accusatos, convictosque, ut Patres credebant, hæreticæ pravitatis, quod suprà demonstravimus, & habent acta Pisani Concilij à Notariis ipsius Synodiconscripta, ubi inter alia : (a) Omnes Magistri in Theologia, tam Episcopi, quām Abbates, & Generales ordinum Mendicantium anno 1429. die 28. Maij ad requisitionem sacri Collegij Cardinalium congregati sunt in sacristia Fratrum Minorum, ut deliberarent de his duobus articulis: anduo de Papatu contendentes essent schismatici & heretici reputandi, & dato sūt, utrum sub titulo hæresis sint ab universali Ecclesia & Papatus regimine ejiciendi. Ad has questiones habitā ad invicem plures maturā deliberatione concorditer & unanimiter responsum fuit, predicōs hæreticos censeri, & ut tales per sententiam declarari ac deponi posse. Patet ergo, ne Patres quidem Pisanos ausos esse in Pontificem pronuntiare, nisi hæresis manifestum, quod pluribus suprà ostensum. Tertia sententia fuit Petri de Allico Cardinalis Cameracensis, qui Pontificem tempore Schismatis subjacere Concilio credidit, ab eoque judicari deponique posse credebat; & hanc suam sententiam scriptis commendavit, porrectaque Patribus, quorum plerisque probata est; & haec causa fuit, ut Concilium huic sententiae examinandæ minus laboraret, ut potè jam passim notæ, acceptæque. Quarta sententia fuit Cardinalis Zabarella, admittentis quidem posse tempore Schismatis novum eligi Pontificem; sed negantis ante factam electionem de Reformatione in Capite & membris agendum esse: ut enim nulla peior Deformatio, quām Schisma, ita nihil prius emendari oportere; & ideo articulus de Reformatione in primo Decreto sessionis quartæ omissus fuit; id quóque eleganter expresserunt quatuor Nationes in protestatione post trigesimalm octavam Sessionem, ubi inter alia: Si Reformatio, inquit, facienda est de Deformatis, qua major est, aut esse potest in Corpore deformitas, quām carere capite, & esse acephalum? illa igitur prior, tanquam magis necessaria debet esse Reformatio, qua corpus ipsum ad Caput reformatum. Et infra: Duplex secundum sacros Doctores est Unio Ecclesia, una membrorum ad invicem, qua jam creditur esse facta: altera membrorum ad Caput, ut constituant corpus integrum & perfectum, & ista non est facta; igitur primo loco fienda. Pater ergo sententiam eorum, qui docebant tempore Schismatis de Pontificis electione,

non

(a) Acta Concilij Pisani à Notariis ipsius conscripta in duobus MM.SS. Codicibus.

non de morum Reformatione agi oportere, celebrem fuisse, & in Synodo frequentem, imò potiorem. Quinta denique sententia fuit Joannis Gersonis, (a) qui Pontifices non solum durante Schismate, sed semper & absolute, omnique tempore Concilio subesse voluit, ab eoque posse judicari; in hunc sensum decreta Sessionis quintae Gerson intellexit, eoque progressus est, ut scriberet, à vero & indubitate Pontifice ad Concilium appellari posse, & Martino id neganti Tractatum illum opposuerit, cui titulus: *An & quomodo appellare liceat.* Huic sententiae Gersonis nunquam Concilium acquievit, & ideò Decretis quartæ & quintæ Sessionis semper illa verba apposuit: *In his, quæ pertinent ad extirpationem dicti schismatis, & pro extirpatione dicti schismatis.* Quibus verbis ostendit Concilium, se cum Gerson non sentire, qui absolutam subjectiōnem volebat; cùm Patres de limitata solum, & in casu exceptio intelligi vellent, hoc est, tempore Schismatis.

III. Sed jam perge, & alia testimonia percurramus, quæ defectum examinis & necessariae deliberationis circa quartæ, & quintæ Sessionum Decreta ostendant. Secundò. Martinus V. ut habetur *sess. 45.* in Confirmatione Concilij profitetur: *Se omnia & singula determinata, conclusa & decreta in Materijs fidet per Concilium Constantiense conciliariter tenere velle; ipsaque sic conciliariter facta approbare & ratificare, & non aliter, nec alio modo.* Supponitur ergo Martinus, fuisse in Synodo Constantiensi aliqua conciliariter facta, & hæc confirmat: alia verò non conciliariter, hoc est, sine examine & deliberatione, nec votis & sententijs in Conventu dictis, & hæc confirmare renuit: non verò appetat, quæ Decreta sint minus conciliariter facta, quam quarrae, quintæque sessionum; nec putas hanc esse opinionem aut conjecturam domi meæ natam, audi testimonium Jacobi Spondani Galli, & Apamensis Episcopi, qui Manuscriptos codices Regiæ, sanctique Victoris Bibliothecarum egregiè pervolvit, ejusque de Synodo Constantiensi historiam, pulcherrimam Spondani operum Maimburgus pronuntiat; is verò ad annum 1418. ita scribit: *Putamus Nuntiorum Polonie petitionem de industria Martini natus ad ultimam sessionem reservatam, ut eâ occasione significaret, quæ Concilij decreta*

(a) Johannes Gerson in serm. Domin. 2. post Epiphan. & serm. pro Viaggio Regis Romanor.